

Boitsholo jo bo itshekileng





Rara wa Gago yo o kwa Legodimong o a go rata mme
o batla gore o itumele gompiano le go isa bo senang
bokhutlho. O re file kgakololo le melao ka baporofiti ba
Gagwe go go thusa. Nngwe ya molao o o botlhokwa thata
mo kagisong ya gago le boitumelo ke molao wa Gagwe
mabapi le bosekono jwa thobalano, o bidiwa ele molao wa
boitsholo jo bo itshekileng. Morena o simolodisitse molao
gotsweng kwa tshimologong, mme A gatelela botlhokwa
jwa one go Moporofiti Joseph Smith ele karolo ya Puseletso
ya efangele ya ga Jeso Keresete. Kobamelo mo molaong o
ke tlhokego go kolobediwa mo Kerekeng ya ga Jeso
Keresete ya Baitshepi ba Malatsi a Bofelo.

Ke Eng Molao wa Boitsholo jo bo itshekileng?

Kamano ya thobalano gareng ga monyadi le monyadiwa e ntle gape ke karolo eo e boitshepo mo thulaganyong ya


Molao wa boitsholo jo bo itshekileng o batla gore botsalano jwa thobalano bo beelwe lenyalo gareng ga monna le mosadi.

Modimo ya bana ba Gagwe. Ke maikutlo a lorato mo teng ga lenyalo mme a letlelela monyadi le monyadiwa go tsaya karolo mo go ttholeng botshelo. Modimo o laetse gore maatla a a a boitshepo a diragadiwe fela gareng ga monna le mosadi yo o nyetsweng ka semolao. Molao wa boitsholo jo bo

itshekileng o itebagantse le botlhe banna le basadi. O akaretsa go ikgapha mo go robalaneng ka tlwaafalo pele ga lenyalo le gonna boikanyego ka botlalo le go tshepega go mogatso morago ga lenyalo.

Mo godimo ga go beela kamano ya thobalano mo lenyalong, re obamela molao wa boitsholo jo bo itshekileng ka go thiba dikakanyo, mafoko, le ditiro tsa rona. Jeso Keresete o ne a ruta gore, “Lo utlwile gore go ne gotwe ke ba nako ya bogologolo, O seka wa dira boaka: mme nna kare go lona, Gore ope yo o lebang mosadi go mo eletsa o setse a dirile boaka le ene mo pelong ya gagwe” (Mathaeo 5:27–28).





Ke Eng Ke Tshwanetse go Tshegetsa Molao wa Boitsholo jo bo itshekileng?

Rara wa gago wa Legodimo o go file molao wa boitsholo jo bo itshekileng go go sireletsa le go go segofatsa. Jaaka dilo tsotlhe tseo di boitshepo, kamano ya thobalano e tshwanetse go dirwa go yeng ka tshupegetso ya Modimo. Jaaka fa o tshegetsa molao wa boitsholo jo bo itshekileng, o tlaa ipelela boitumelo, kagiso, le tlotla ka bo wena. O tlaa ipelela tshepo le go nna ka manontlhotlho mo botsalanong jwa lelwapa la gago, mme o tlaa segofadiwa ka boikgapo. O tlaa ipelela masego a efangele ya ga Jeso Keresete ka tlhotlheletso ya Mowa o o Boitshepo.

Saatane o etelelapele batho gore ba dumele gore kamano ya thobalano kwantle ga lenyalo e amogeselegile le tota e eletsega. Mme ke sebe se se tlwaafetseng; Modimo ka metlha o rutile bana ba Gagwe gore ba nne ka bomolemo gape ba itshekile (bona Ekesodase 20:14 le Alema 39:3-5). Molawana o ke wa bosa khutleng.

Jaaka fa o tshela molao wa boitsholo jo bo itshekileng, o tlaa:

- *Laletsa Mowa o o Boitshepo mo botshelong jwa gago.*
- *Tlhabolola mo gogolo tlotla ya gago jaaka o katisa go ikgapha.*
- *O tlaa nna le manontlhotlho mo botsalanyong jwa gago.*
- *O tlaa oketsa lorato go bao ba ba go dikologileng.*

Go roba molao wa boitsholo jo bo itshekileng ke go tshamikisa maatla ao Modimo a a fileng go tlhola botshelo; go supa go sa Mo kgathaleleng ga mmogo le bana ba Gagwe. Go fifatsa semowa le gantsi go isa kwa go betweng ga pelo, kutlobotlhokong jwa pelo, tlhalo, malwetsi, le tshenyo ya mpa. Bao ba ba robang molao o ba buletswe go tlhotlheletso ya ga Saatane e ntsi. Sebe se gape ka tlwaafalo se ama maloko a lelwapa le ba bangwe.

Ke Ka Tshegetsa Molao wa Boitsholo jo bo itshekileng Jang?

“Mpe boitsheko bo kgabise dikakanyo tsa gago go ya goile; jalo manontlhotlho a gago a tlaa nna ka nonofo mo pele ga Modimo.”

D&D 121:45

Modimo o batla boitsholo jo bo kwa godimo jwa seemo go bana ba Gagwe. Go tshegetsa molao wa boitsholo jo bo itshekileng, o tshwanetse go fetola dikakanyo, mafoko, le ditiragalo tse di sa eletsegeng ka tse di siameng. Melawana e e latelang e tla a thusa.

Dikakanyo. Dikakanyo tse di tlatsang gape di agisa ke tsone

di tlaa kgarametsang tseo di fokotsang kgotsa tsa bo senang boitsholo go tsweng mo botshelong jwa gago. Jaaka fa o tlatsa botshelo jwa gago ka dikakanyo tse di siameng le metshameko, o tlaa gola mo go kgoneng go fetola le go fenya dikakanyo tse di fokotsang. Go bala mafoko a tumelo, go direla lelwapa la gago, go





bereka ka tlhagafalo, le go dira mo metshamekong eo e siameng ya ikitsho bodutu di ka go thusa gore o kgweetse dikakanyo tsa gago.

Thibogela bosaikgabetseng jwa mefuta yotlhe. Bo tlisa kgogedi ya tlhokofatso e e koafatsang. Botlaa go utswela tlotla ya gago le go go dira gore o se lebogele bontlentele jwa botshelo. O seka wa letlelela tlhaloganyo ya gago gore e nne mo go tlhokeng botho kgotsa e nne le dikakanyo tsa bosenang boitsholo kgotsa ditshwantsho. O seka wa leba, wa bala, kgotsa wa reetsa sepe se se supang kgotsa se tlhalosa mmele wa motho kgotsa maitshwaro a thobalano ka mokgwa o o sa tlotleng. Thibogela go leba ba bangwe ka dikakanyo tsa go ba eletsa, gape thibogela kgogedi kgotsa ditshwantsho tsa metshikinyego, tse di sa ikgabetsang, ditshupegetso tsa thelebishene, mafelo a Letlowa, dipina, dibuka, dikoranta, le metshameko e e fatlhang.

Mafoko. Nte mafoko a gago a age ba bangwe le go ba thatafatsa. Phimola mo go isang tlase, ele morogano, le mafoko a thobalano a a fatlhang, metlae, le setlhogo sa mafoko gotsweng mo dipuisanong tsa gago.

Ditiro. Ka metlha tshwara ba bangwe ka tlotla. Nna bori mo go se o se aparang. Fa o gakologelwa gore motho mongwe le mongwe ke ngwana wa Modimo, gape fa o dira gotlhe mo o go kgonang go thusa ba bangwe go sala morago thulagano ya Gagwe, jalo o tlaa thatafadiwa mo keletsong ya gago ya go tshegetsatsa molao wa boitsholo jo bo itshekileng.

Ikemisetse jaanong gore o tlaa seke o dire sepe kwantle ga lenyalo go gwetlha maikutlo ao a a maatla ao a tshwanetseng go dirwa fela mo lenyalong. O seka wa gwetlha maikutlo ao mo mothong yo mongwe kgotsa mo go wena. O seka wa tsaya karolo mo thobalanong ya monna le monna kana ya mosadi le mosadi kgotsa ditiro tse dingwe tsa bo senang boitsholo. Fetola metshameko eo ka yone o kannang wa raelesega go roba molao wa boitsholo jo bo itshekileng ka metshameko e e agang le ya boiketlo. Monyalong, nna o le boikanyego go mokapelo wa gago ka dikakanyo le ka ditiro.

Ka gore go tshela molao wa boitsholo jo bo itshekileng go tlaa go tliša gauŋi le Modimo, Saatane o tlaa go leka gore o robe molao o. O itse fa o ikutlwa o le bodutu, o tšietsega, kgotsa o tshwenyegile, mme o tlaa go raela fa o le mo bokoweng. Rapela go Rara o o kwa Legodimong gore a go thuse, mme o tlaa go fa nonofo gore o gane thaelo (Bona 1 Bakorintha 10:13). Jaaka fa o ikaegile mo go Ene mme o sala morago melawana ya Gagwe, o tlaa kgona go fenya thaelo.

Masego a Go tshela Molao wa Boitsholo jo bo itshekileng

Jaaka fa otshela molao wa boitsholo jo bo itshekileng, o tlaa nna o bulegetse tlhotlheetso ya Mowa o o Boitshepo. Ka kaedi ya Mowa o o Boitshepo, o tlaa tlhabolola botlhale, o itebagana le diteko ka bopelokgale jo bogolo, o ikutlwa gore Modimo o a go rotloetsa e bile o a go



*Go sa kgathalesege gore
o dirileng mo malobeng,
masego a magolo a teng
go wena fa o simolola
jaanong go tshela
molao wa boitsholo
jo bo itshekileng.*

supegetsa mo botshelong jwa gago, gape o nna sekai mo go ba lelwapa la gago le ba bangwe. Lorato leo o nang nalo go mokapelong le bao o ba ratang le tlaa nna ka boteng, le humile, le nna sentle. O tlaa itemogela o na le kagiso mo tthaloganyong.

Mo Mafokong a tumelo re ithuta gore boitumelo jwa boammaaruri

botla gotsweng mo go obameleng melaong ya Modimo (bona Mosaeya 2:41) le gore “boikepo ga boisi bonne boitumelo” (Alema 41:10).

Fa o robile molao wa boitsholo jo bo itshekileng, Modimo o dirile kgonagalo ya gore o ka ikwatlhaya mme o nne sekono gape. Ikwatlaele bolebo bope jo bo fitileng, o itlame go tshela molao o o boitshepo. Ka Tefo ya ga Jeso Keresete le boikwatlhao jwa boammaaruri, o ka itshwarelwa le go ikutlwa kagiso.

GOITHUTA GA TLALELETSO

Dipotso tse di latelang le Mafoko a tla a go thusa go ithuta thata ka ga melawana mo bukaneng e. Dintlha tse di kwa tlase le referense ya sefapaano mo Mafokong di tla a go supegetsa metswedi ya tlaleletso ya metsamao.

Go raya eng go tshegetsa molao wa boitsholo jo bo itshekileng? Ke eng fa molao o le botlhokwa?

Ekesodase 20:14 (Baebele, Kgolagano e Kgologolo)

Diane 6:27–32 (Baebele, Kgolagano e Kgologolo)

Thaethase 2:11–12 (Baebele, Kgolagano e Ntsha)

Alema 39:3–5 (Buka ya ga Momone, tsebe 361)

3 Nifae 12:27–30 (Buka ya ga Momone, tsebe 525; bona gape Mathaio 5:27–30 mo Kgolaganong e Ntsha)

“The Family: A Proclamation to the World” (Baanamisa efangele kgotsa leloko la Kereke baka go thusa go bona kgatiso ya bukana e le ya *True to the Faith* le *For the Strength of Youth*, ya mola o o fatlase o. O ka di bona gape mo phefong kwa www.mormon.org.)

“Chastity,” *True to the Faith*

Ke ka bona jang nonofo E ke e tlhokang go tshegetsa molao wa Boitsholo jo bo itshekileng?

1 Bakorintha 10:13 (Baebele, Kgolagano e Ntsha)

Mosaeya 4:29–30 (Buka ya ga Momone, tsebe 176)

Alema 38:12 (Buka ya ga Momone, tsebe 360)

For the Strength of Youth pamphlet

Ke Tshwanetse Go Dira Eng?

- Tswelera kago bala Buka ya ga Momone.

Padi e e Akanyeditsweng: _____

- Tshela molao wa boitsholo jo boitshekileng. Rapela go thusiwa go tshegetsa molao o.

- Tsena kereke Sontaga o.

- Tswelera go ipaakanyetsa go kolobetswa.

Letsatsi la kolobetso: _____

- Etela www.mormon.org gore o ithute thata ka ga efangele ya Puseletso yaga JesoKeresete.

- Tswelera ka go kopana le baanamisa efangele gore oithute thata Kaga boammaaruri jo Modimo abo buseleditseng ka baporofiti ba malatsi a segompieno.

Bokopano jo bo latelang: _____

Maina a moanamisa efangele le nomore ya mogala:



KEREKE YA GA
JESU KERESETE
YA BAITSHEPI
BA MALATSI A BOFELO

www.mormon.org

Malebo go Batshwantshi

Tsebe ya Ntsha, Mo go tseneletseng gotsweng *Hear Ye Him*, ka Simon Dewey. © Simon Dewey
Tsebe 6, *The Savior*, ka Del Parson. © Del Parson
Ditsebe 2, 5, 9, 10, 13 ka Craig Diamond

© 2007 by Intellectual Reserve, Inc. All rights reserved. Egatisitse mo USA. Tella ya Segowa: 2/06.
Tella ya go ranola: 2/06. Thanolo ya Chastity Tswana. 01203 763

SETSWANA



4 02012 03763 8

01203 763